

國語正義

國語正義卷第十四

歸安董增齡撰集

晉語八

平公六年解平公悼公之子彪也六年魯襄二十一年
箕遺及黃淵嘉父作亂不克而死解箕遺黃淵嘉父皆
晉大夫欒盈之黨也欒厲所取范宣子之女曰欒祁生
盈驕卒祁與其老州賓通盈患之祁懼懇諸宣子曰盈
將爲亂盈好施士多歸之宣子執政畏其多士使城著
將逐之箕遺黃淵等知之而作亂宣子殺遺淵嘉父及
司空靜羊舌虎等十人公遂逐羣賊解羣賊欒盈之黨

謂知起中行嘉州綽邢蒯之屬逐之出奔齊謂陽畢曰

自穆侯以至於今亂兵不輟解陽畢晉大夫穆侯唐叔

八世之孫桓叔之父也晉亂自桓叔始輟止也疏侯至

之父○晉世家唐叔子燮是為晉侯晉侯子甯族是為

武侯武侯子服人是為成侯成侯子福是為厲侯厲侯

子宜曰是為靖侯靖侯卒子釐侯司徒立卒子獻侯厲侯

立卒于穆侯費王立穆侯十年伐千畝有功生少子名

曰成師即桓叔也民志無厭禍敗無已解厭極也已止也離民

且速寇恐及吾身若之何解速召也陽畢對曰本根猶

樹解本根亂本謂欒氏猶尚樹立也枝葉益長本根益

茂是以難已也今若大其柯解柯斧柄操以伐木疏柯

斧柄○考工記車人之事半矩謂之宣一宣有半謂之

獨一獨有半謂之柯鄭康成注伐木之柯柄長三尺鄭

司農云蒼頡篇有柯爓

去其枝葉絕其本根可以稍開解開息也

謂滅樂盈而去其黨公曰子實圖之陽畢曰圖在明訓

解訓教也明訓在威權解言既有明教當有威權以行

之威權在君解言不在臣君掄賢人之後有常位於國

者而立之解掄擇也常位謂世有功烈於國而中微者

亦掄逞志虧君以亂國者之後而去之解逞快也是遂

威而遠權解遂申也遠權權及後嗣民畏其威而懷其

德莫能勿從解言皆從君若從則民心皆可畜解皆可

畜養而教導之畜其心而知其欲惡民孰偷生解欲惡

情欲好惡也偷苟也若不偷生則莫思亂矣且夫樂氏

之誣晉國也久矣解誣罔也以惡取善曰誣謂欒書雖
 殺厲公然人被其德不以爲惡傳曰武子之德在人如
 周人之思邵公欒書實覆宗殺厲公以厚其家解覆敗
 也宗大宗也謂殺厲立悼取重於國厚其家也若滅欒
 氏則民威矣解威畏也今君若起瑕原韓魏之後而賞
 立之則民懷矣解瑕瑕嘉原原軫韓韓萬魏畢萬之後
 皆晉之賢人有常位於國者威與懷各當其所則國安
 矣君治而國安欲作亂者誰與君曰欒書立我先君解
 先君悼公欒盈不獲罪如何解言盈不得罪於國爲其
 母范祁所誣耳如何可滅陽畢曰夫正國者不可以隤

於權解暱近也言當遠權爲長久計也行權不可以隱

於私解以私恩隱蔽其罪無以正國也暱於權則民不

道解不可訓道也行權隱於私則政不行政不行何以

道民民之不道亦無君矣解與無君同則其爲暱與隱

也復產害矣且勤君身解反復也勤勞也反害於國而

勞君身君其圖之若愛樂盈則明逐羣賊而以國倫數

而遣之解羣賊盈之黨倫理也厚戒箴國以待之解箴

猶救也待備也彼若求逞志而報於君罪孰大焉滅之

猶少解猶少滅之恐少耳彼若不敢而遠逃乃厚其外

交而勉之以報其德不亦可乎解謂賂其所適之國厚

寄託之而勸勉焉公許諾盡逐羣賊而使祁午及陽畢

適曲沃逐欒盈解祁午中軍尉曲沃欒盈邑疏適曲沃

○如此傳文宣子殺十子在逐欒盈之前內傳言秋欒盈出奔楚宣子殺箕遺黃淵嘉父司空祁豫董叔祁

書申書羊舌虎叔熊如內傳則先逐欒盈後殺十子內傳孔疏引賈逵云十子皆盈之黨知范氏將害欒氏故

先為之作難討范氏不克而死然則欒盈城著十子在國謀殺宣子不克宣子先殺之乃使適著逐欒盈非是

欒盈既奔之後殺十子也內傳言城著而遂逐之此傳言適曲沃逐欒盈彼疏云曲沃是欒氏之采邑蓋就著

逐其身適曲沃逐欒盈也欒盈出奔楚遂令於國人曰自文公以來

有力於先君而子孫不育者將授立之得之者賞解授

之爵位而立之居三年解後三年欒盈畫入為賊於絳

解欒盈在楚一年而奔齊魯襄二十三年齊侯使析歸

父以藩載盈及其士納之曲沃夏四月盈帥曲沃之甲
因魏獻子以晝入絳范宣子以公入於襄公之宮解襄
宮完固故就之傳曰奉公以如固宮欒盈不克出奔曲
沃解傳曰晉人圍曲沃遂刺欒盈滅欒氏解刺殺也傳
曰晉人克欒盈于曲沃盡殺欒氏之族黨是以沒平公
之身無內亂也欒懷子之出解懷子盈也出奔楚執政
使欒氏之臣勿從解執政正卿卽范宣子從欒氏者爲
大戮施解施陳也陳其尸也欒氏之臣辛俞行解行從
盈也吏執而獻之公公曰國有大令何故犯之對曰臣
順之也豈敢犯之執政曰無從欒氏而從君是明令必

從君也臣聞之曰三世仕家君之解三世為大夫家臣

事之如國君也再世以下主之解大夫稱主疏解大夫

昭元年傳醫和謂趙孟曰主是謂矣襄二十八年傳魏

戊曰主以不賄聞於諸侯故知大夫稱主問若疎曰周

禮大宰職云主以利得民鄭注主謂事君以死事主以

公卿大夫是大夫稱主周之制也勤君之明令也自臣之祖以無大援於晉國世隸欒氏

於今三世矣臣故不敢不君今執政曰不從君者為大

戮臣敢忘其死而叛其君以煩司寇解敢不敢也言不

敢忘死而叛其君煩君司寇以刑臣也公說解說其執

義固止之不可解可肯也厚賂之辭曰臣嘗陳辭矣心

以守志辭以行之所以事君也若受君賜是隋其前言

解 隋壞也臣無二君若受君賜是有二心也君問而陳
辭未退而逆之何以事君解 逆反也君知其不可得也
乃遣之

叔魚生其母視之解 叔魚晉大夫叔向母弟羊舌鮒也

視猶相察也曰是虎目而豕喙解 虎視眈眈豕喙長而

銳也鷩肩而牛腹解 鷩肩肩井斗出牛腹脅張也谿壑

可盈是不可饜也解 水注川曰谿壑溝也必以賄死解

後爲贊理受離子女而抑邢侯邢侯殺之遂弗視解 不

自養視也揚食我生解 揚叔向邑也食我叔向子伯石

也其母夏姬女疏 揚縣應劭曰揚侯國昭二十八年僚

解揚叔向邑。漢書地理志河東郡

安為揚氏大夫杜注平陽縣襄二十九年傳霍揚

杜注揚屬平陽郡漢書揚雄傳其先出自有周伯僑食

采于晉之揚揚在河汾之間應劭注揚今河東揚縣蓋

本揚侯國晉獻滅之以為邑在今山西平陽府洪洞縣

南二里地名危城村與昭二地年叔向之母聞之疏

傳劉子奔揚之為周邑者不同地叔向之母姬姓往及堂問其

叔向之母聞之論衡曰叔向之母也疏其聲豺狼之聲○大

劉向列女傳曰羊舌叔姬者叔向之母也往及堂問其

號也乃還曰其聲豺狼之聲也疏其聲豺狼之聲○大

處其氣初氣生物物生有聲心氣鄙戾者其聲斯醜禮

內則注沙猶嘶也孔疏嘶謂酸嘶斯醜之聲擬之以豺

狼之嗥漢書王莽傳莽大聲而嘶待詔曰莽所終滅羊

謂鴟目虎吻豺狼之聲者也顏注嘶聲破也

舌氏之宗者必是子也解宗同宗也食我既長黨於祁

盈盈獲罪晉殺盈及食我遂滅祁氏羊舌氏在魯昭二

十八年疏解宗同宗○昭五年傳羊舌四族杜注銅鞮

伯華叔向叔魚叔虎兄弟四人疏引家語孔

子曰銅鞮伯華不死天下其定矣其人赤叔魚名鮒
見昭十三年傳叔虎見襄二十一年傳又引世本叔向
兄弟有季夙劉光伯曰於時叔虎已死別有季夙唐書
宰相世系表羊舌生職五子赤肸鮒虎季夙赤字伯華
肸字叔向鮒字叔魚虎字叔熙號羊舌四族其母言羊
舌氏之宗當指四族之子孫言之若昭三年傳叔向言
肸之宗十一族此與羊舌並生皆肸之疎屬
當非其母所憂且久別為氏罪亦不相及也

魯襄公使叔孫穆子來聘解聘在襄二十四年范宣子

問焉解宣子首正卿士句曰人有言曰死而不朽何謂

也解言身死而名不朽滅穆子未對宣子曰昔句之祖

自虞以上為陶唐氏解言在舜世不改堯號疏自虞至

漢書高帝紀注荀悅曰唐者帝堯有天下之號陶發聲
也韋昭曰陶唐皆國名猶湯稱殷商矣臣贊曰堯初居
於唐後居陶故曰陶唐也顏師古曰三家之說皆非也
說文解字云陶正再成也在濟陰夏書曰東至陶正陶

正有堯城堯嘗居於此後居於唐故堯號陶唐氏斯號
 得之矣內傳孔疏舜受堯禪封堯子丹朱為王者之後
 猶稱為唐其名不易終虞之上也
 在夏為御龍氏
 以陶唐為號故曰白虞以上也
 后孔甲之世也傳曰陶唐既衰其後有劉累學擾龍于

參龍氏以事孔甲能飲食龍夏后嘉之賜氏曰御龍
 疏

在夏為御龍氏○內傳孔疏引服虔注御亦養也養馬
 曰閉御與罔同言養龍猶養馬故稱御文選石闕銘注
 引博物志昔禹平天下會諸侯會稽之野防風氏後至
 殺之夏德盛二龍降之使范成克御之以行域外既周
 南經防風氏之神見禹使怒而射之有迅雷二龍升去
 則夏初本有御龍之法故以此名賜劉累也○解傳曰
 至御龍○其後有劉累者夏后賜之姓正義引括地志云劉
 后劉累之為諸侯者夏后賜之姓正義引括地志云劉
 累故城在洛州緱氏縣南五十里學擾龍于豢龍氏者
 內傳言颺叔安有裔子董父能擾畜龍帝賜之姓曰
 董氏曰豢龍夏本紀集解引董父能擾畜龍帝賜之姓曰
 馴豢得其嗜慾以事夏孔甲者夏本紀禹子帝啓啓子

帝太康太康弟帝仲康仲康子少康少康子帝王子子
帝槐槐子帝芒芒子帝泄泄子帝不降不降弟帝局局
子帝厘厘崩立**在商為豕韋氏****解**商謂武丁之後為豕
不降之子孔甲

韋氏初祝融之後彭姓為大彭豕韋二國為商伯其後

商滅豕韋劉氏自御龍代豕韋故傳曰以更豕韋之後

疏解商謂至之後○內傳孔疏引鄭語云祝融之後八
之矣賈逵云大彭豕韋為商伯又曰彭姓彭祖豕韋則商滅

而滅之然則商之初豕韋何王滅彭姓也其後乃以劉
累之後代之亦不知殷之何王滅彭姓而封累後也昭

二十九年傳稱夏王孔嘉劉累賜彭氏曰御龍以豕韋
韋之後則賜劉累身封豕韋而此云在商為豕韋氏者

杜於彼注云劉累代彭姓之豕韋累尋遷魯縣豕韋復
國至商而滅累之後世復承其國為豕韋氏是杜解劉

累及其後世再封豕韋之事案詩殷武韋願既伐是武
丁之事故此解云商謂武丁之後是宏嗣以滅彭姓豕

韋而封累後者為武丁也內傳杜注豕韋國名東郡白

馬縣東南有韋城案隋置韋城縣唐宋亦因之金在周廢為鎮今在河南衛輝府滑縣東南五十里地

為唐杜氏解周武王之世唐杜二國名豕韋自商之末

改國於唐周成王滅唐而封弟唐叔虞遷唐於杜謂之

杜伯疏同解周武至杜伯○滅唐封杜內傳杜注與韋解

唐杜二國以爲並時爲國非滅唐封杜劉炫謂又據何

文初封於唐又封於杜乎是炫力主賈議矣案昭元年

傳成王滅唐波郡古文成王止一二代內傳不當言其

若果武王所封則至成王時封帝堯之後於祝不言其

季世曰唐叔虞樂記言武王且唐杜果同時並封兩

又封唐與杜則唐非封武王且唐杜果同時並封兩

國並在則宣子自敘世系究屬唐之子孫乎抑屬杜之

之孫乎故也此解不用賈注也文七年杜祁見于傳杜國

未盡滅也故曰在周爲唐杜氏漢書高帝紀顏注唐太

原晉陽縣故城在京兆西縣案秦置杜縣漢改杜陵周界晉

今杜陵故城在陝西西安府城東南十五里

繼之爲范氏其此之謂乎解卑王室微也晉繼之者謂

爲盟主總諸侯也爲范氏者杜伯爲宣王大夫宣王殺

之其子隰叔去周適晉生子輿爲晉理官其孫士會爲

晉正卿食邑於范是爲范氏疏解食邑至范氏○范本

自范至齊是也漢書地理志東郡范縣莽曰建睦唐改

屬濮州宋因之今山東曹州府范縣東南二十五里有

古城范對曰以豹之所聞此之謂世祿非不朽也解世祿

世食官邑魯大夫臧文仲其身沒矣其言立於後世解

言其立言可法者謂若教行父事君告糴於齊之屬此

之謂死而不朽

范宣子與和大夫爭田久而無成解成平也和晉邑之

大夫也爭田之疆界久而不平宣子欲攻之問於伯華

解伯華羊舌赤也魯襄三年代父職爲中軍尉之佐伯

華曰外有軍內有事赤也外事也**解**言主軍也不敢侵

官**解**非其官而與之爲侵官且吾子之心有出焉可徵

訊也**解**出以軍旅出也徵召也訊問也問於孫林父**解**

林父衛大夫孫文子魯襄十四年逐衛獻公立公孫剽

二十六年甯喜殺剽而納獻公林父遂以戚叛事晉孫

林父曰旅人所以事子也唯事是待**解**旅客也言客寄

之人不敢違命問於張老**解**三君云張老中軍司馬也

昭謂襄三年悼公以張老爲司馬至襄十六年平公卽

位以其子張君臣代之此時爲上軍將張老曰老也以
軍事承子非戎則吾非所知也解戎兵也問於祁奚解
祁奚既老平公元年復爲公族大夫祁奚曰公族之不
恭公室之有回解回邪也內事之邪解內朝內也大夫
之貪是吾臯也解大夫公族大夫然則祁奚掌之若以
君官從子之私懼吾子之應且憎也解外應受我內憎
其非問於藉偃解藉偃上軍司馬藉游也藉偃曰偃以
斧鉞從於張孟解孟張老字曰聽命焉若夫子之命也
何二之有解夫子張孟也釋夫子而舉解釋舍也舉動
也是反吾子也解吾子宣子宣子爲上卿本使我聽命

於張孟今若背之而從子之私是反于之前令問於叔

魚解叔魚叔向之弟叔魚曰待吾為子戮之叔向聞之

見宣子曰聞子與和未甯解甯息也徧問於大夫又無

決盜訪之訾祐解訾祐宣子家臣訾祐實直而博直能

端辯之解端正也辯別也博能上下比之且吾子之家

老也解家臣室老吾聞國家有大事必順於典刑解典

常也刑法也而咨訪於耆老而後行之司馬侯見解侯

女叔齊曰聞吾子有和之怒吾以為不信諸侯皆有二

心是之不憂解二心欲叛晉而怒和大夫非子之任也

祁午見解午中軍尉曰晉為諸侯盟主子為正卿若能

靖端諸侯使服聽命於晉晉國其誰不爲子從何必和

解言皆從子之命何但和大夫乎蓋密和**解**和和平也

和大以平小平**解**勤以大德平小怨宜子問於訾訾

而對曰昔隰叔子違周難於晉國**解**隰叔杜伯之子違

避也宣王殺杜伯隰叔避害適晉生子與爲理**解**子與

士薦之字理士官也**疏**解理士官○禮月令鄭注理治

顏注李者法官之號專主征伐刑戮之事案定四年傳

唐叔封於夏墟啓以夏政故官制從夏記循吏傳李離

者晉文公之理也故知以正於朝朝無姦官爲司空以

正於國國無敗績**解**績功也世及武子佐文襄爲諸侯

諸侯無二心**解**父子爲世及至也謂士薦生成伯缺成

伯缺生武子士會文公五年士會攝右爲大夫佐襄公

以伯諸侯諸侯無二心者及爲卿以輔成景軍無敗政

解文公生成公成公生景公及爲成師居太傅**解**唐尙

書云爲成公軍師居太傅之官昭謂此成當爲景字誤

耳魯宣九年晉成公卒至十六年晉景公請於王以黻

冕命士會將中軍且爲太傅端刑法輯訓典**解**輯和也

國無姦民**解**士會爲政盜逃奔于秦是也後之人可則

是以受隨范**解**隨范晉二邑也**疏**解隨范晉二邑○隱

今山西汾州府介休縣東有古隨城范上章已解**及文子成晉荆之盟****解**文子

武子之子變也晉使士變盟楚于宋西門之外在魯成

十二年豐兄弟之國使無有閒隙解豐厚也閒隙瑕釁

也兄弟鄭衛之屬晉楚為好不相加戎所以厚兄弟之

國是以受郇櫟解郇櫟晉二邑也疏郇解郇櫟晉二邑○

襄十一年傳秦晉戰於櫟晉師敗績晉世家悼公十一年冬秦取我櫟索隱曰櫟音歷釋例云在河北地關案

此即范文子所食之邑與左馮翊之櫟陽音藥者今吾固不同與潁川之櫟見於桓十五年經者亦異也

子嗣位於朝無姦行於國無邪民於是無四方之患而

無外內之憂賴三子之功而饗其祿位解三子子與文

子武子今既無事矣而非和解非恨也於是加寵將何

治為解晉加寵於子將何所為治乎宣子說乃益和田

而與之和解以所爭田益之與之平和

嘗祔死范宣子謂獻子解獻子宣子之子范鞅曰鞅乎
昔者吾有嘗祔焉吾朝夕顧焉解顧問也以相晉國且
爲吾家今吾觀汝也專則不能謀則無與解無賢臣也
將若之何對曰鞅也居處恭不敢安易解易簡也不敢
自安而爲簡畧敬學而好仁和於政而好其道解言己
爲政貴和而好說其道謀於衆不以買好解買求也言
心樂吝不以求爲好私志雖衷不敢謂是也必長者之
由解衷善也由從也宣子曰可以免身

平公說新聲解說樂也新聲者衛靈公將如晉舍於濮
水之上聞琴聲焉甚哀使師涓以琴寫之至晉爲平公

鼓之師曠撫其手而止之曰止此亾國之音也昔師延

為紂作靡靡之樂後而自沈於濮水之中聞此聲者必

於濮水之上乎疏平公說新聲○淮南秦族訓說此事

曠曰此亾國之樂也蓋師延所為紂作朝譟北鄙之音也

音召師涓而寫之靈公將之晉至於濮水之上舍夜半時

史記樂書亦云靈公將之晉至於濮水之上舍夜半時

聞鼓琴聲問左右皆對曰不聞乃召師涓曰吾聞鼓琴

音其狀似鬼神為我聽而寫之師涓端坐援琴聽而寫

之明日曰臣得之矣然未習也請宿習之因復宿明日

報曰習矣即去之晉平公置酒於施惠之臺酒酣靈公

曰今者來聞新聲請奏之平公令師涓坐師曠旁援琴

延所作也與紂為靡靡之樂武王伐紂師延東走自投

濮水之中故聞此聲必於濮水之上先聞此聲者國削

也正義引括地志云濮水在曹州離狐縣界即師延投處

師曠曰公室其將卑乎解師曠晉主樂太師子野君

之明兆於衰矣解兆形也夫樂以開山川之風解開通

也故八音以通八風以耀德於廣遠也解耀明也風德

以廣之解風風宣其德廣之於四方作樂各象其德韶

夏濩武是也風山川以遠之解遠遠其德也周禮每樂

一變各有所致謂鱗介毛羽之物山林川澤天地之神

祇也風物以聽之解言風化之動物莫不傾耳而聽修

詩以詠之修禮以節之夫德廣遠而有時節解作之有

時動有禮節是以遠服而邇不邈

平公射鵙不死解鵙疏小鳥也疏鵙釋鳥解鵙釋鳥疏小鳥也爾雅

昭十七年傳孔疏引賈逵服虔注鵙釋鳥以聲音為名也莊子釋文引司馬彪曰鵙鵙雀也顏師古急就篇注今

俗呼爲鵝爛堆禮內則以鴝爲庶羞故知是小鳥也使豎襄搏之失解豎內豎襄

名也公怒拘將殺之叔向聞之夕解夕至於朝君告之

叔向曰君必殺之昔吾先君唐叔射兕於徒林殪以爲

大甲解兕似牛而青善觸人徒林林名一發而死曰殪

甲鎧也疏堅解兕似至甲鎧○說文兕似野牛青毛其皮

出九德有一角長三尺餘形如馬鞭柄詩吉日殪此大

兕兕爲難獲之物故以其中雉也考工記函人犀甲壽

百年兕甲更勝于犀矣以封於晉解言有才藝以受封爵

今君嗣吾先君唐叔射鵝不死搏之不得是揚吾君之

恥者也君其必速殺之勿令遠聞解殺之益聞詭辭以

諫君忸怩顏乃趣赦之解忸怩慙貌

叔向見司馬侯之子撫而泣之解撫拊也曰自此其父

之死吾蔑與比而事君矣疏吾蔑至事君○易比彖曰比輔也雜卦傳比樂師憂

此非阿黨昔者此其父始之我終之解謂有所建為及

諫爭相為終始以成其事也我始之夫子終之無不可

解無不可言皆從也藉偃在側曰君子有比乎解君子

周而不比故偃問之叔向曰君子比而不別比德以贊

事比也解贊佐也引黨以封已解引取也封厚也利己

而忘君別也解別別為朋黨也

秦景公使其弟鍼來求成解景公秦穆公之元孫桓公

之子鍼后子伯車也在魯襄二十六年叔向命召行人

子員解行人掌賓客之官員名也行人子朱曰朱也在

此叔向曰召子員朱曰朱也當御解當直也御進也言

次應直事疏解當直至直事○襄二十六年傳孔疏言

日次朱當御次而不使是黜之也解叔向曰胙也欲子員之對客也子朱

怒曰皆君之臣也班爵同解與員同也何以黜朱也解

黜退也撫劍就之叔向曰秦晉不和久矣今日之事幸

而集解集成也子孫饗之解饗饗其福也饗或為賴不

集三軍之士暴骨解必復戰鬪也夫子員道賓主之言

無私子常易之解易變也姦以事君者吾所能禦也拂

衣從之解拂褰也人救之平公聞之曰晉其庶乎解庶

幾於興吾臣之所爭者大師曠侍曰公室懼卑其臣不
心競而力爭

諸侯之大夫盟於宋解盟在魯襄二十七年晉楚始盟

以弭諸侯之兵楚令尹子木欲襲晉解子木屈到之子

屈建也傳曰將盟楚人衷甲襲掩也曰若盡晉師而殺

趙武則晉可弱也解趙武晉正卿文子也文子聞之謂

叔向曰若之何叔向曰子何患焉忠不可暴解不可侵

暴信不可犯解犯陵也忠自中解自中出也而信自身

解身行信也其爲德也深矣其置本也固矣故不可拊

也解扞動也今我以忠謀諸侯解謀安諸侯而以信覆

之解覆險其忠荆之逆諸侯也亦云解亦云欲弭兵爲

忠信逆迎也是以在此若襲我是自背其信而塞其忠

也解塞絕也信反必弊解弊暗也忠塞無用解無以用

諸侯也安能害我且夫合諸侯以爲不信諸侯何望焉

此行也荆敗我諸侯必叛之解以弭兵召諸侯而衷甲

以襲晉故諸侯必叛之子何愛於死死而可以固晉國

之盟主何懼焉解言晉有信諸侯必歸之是行也以蕃

爲軍解蕃籬落也不設壘壁攀輦卽利而舍解攀引也

輦輦車也卽就也言人引車就水草便利之地而舍之

疏輦輦車○周官禮鄉師大軍旅會同正治其徒役
與其輦輦鄭注輦人輦行所以載任器也止以爲藩

營司馬法曰夏后氏謂輦曰余車殷曰故胡奴車周曰輦輦輦一斧一斤一鑿一裡一鋤周輦加二版二築呂氏春秋本生篇高注人引車曰輦候遮扞衛不行解候候望遮遮罔也

晝則候遮夜則扞衛扞衛謂羅闌狗附也張羅闌去壘五十步而陳周軍之前後左右彊弩注矢以誰何謂之羅闌又二十人爲曹輩去壘三百步畜犬其中或視前後或視左右謂之狗附皆昏而設明而罷候遮二十人屠狗附處以視聽候望明而設昏而罷不行者不設之楚人不敢謀畏晉之信也解畏晉守信諸侯與之故不敢謀也自是沒平公無楚患矣

宋之盟解弭兵之盟也楚人固請先歆解楚人子木也

猷飲血也

疏

楚人固請先猷。史記平原君外傳毛遂曰從定平楚王曰定矣。毛遂謂楚王之左

右曰取雞狗馬之血來。吾遂奉銅盤而跪進之。楚王曰

王當飲血而定。從次者吾君次者遂定。從於殿上。毛

遂左手持槃血而右手招人成事也。是猷以先為尊也。於

堂下。公等錄錄所謂因人成事也。是猷以先為尊也。於

叔向謂趙文子曰：夫伯王之勢在德不在先。猷子若能

以忠信贊君，**解**贊佐也。而裨諸侯之闕，**解**裨補也。闕缺

也。猷雖後諸侯將戴之，何爭於先？若違於德而以賄成

事，**解**政以賄成。今雖先猷，諸侯將棄之。何欲於先？昔成

王盟諸侯於岐陽，**解**岐山之陽。**疏**古文成王六年盟諸

侯于岐陽。昭五年傳：成有岐陽之蒐。彼言蒐而此言盟。

盟畢遂蒐。一時事也。杜預注云：岐山在扶風美陽縣

西北。彼時未有縣。故岐山在其境內。後周始置岐山縣。

西北。彼時未有縣。故岐山在其境內。後周始置岐山縣。

西北。彼時未有縣。故岐山在其境內。後周始置岐山縣。

西北。彼時未有縣。故岐山在其境內。後周始置岐山縣。

西北。彼時未有縣。故岐山在其境內。後周始置岐山縣。

今屬陝西鳳翔
楚有荆蠻
解荆州之蠻也
疏解荆州之

氏正南曰荆州荆强也言其氣躁强亦曰警也言有道

後服無道先叛常警備也風俗通義君臣同川而浴極

為簡慢蠻者慢也淮南王曰楚地南卷沅湘北繞潁泗

西包巴蜀東襄鄭淮潁汝以為沔江漢以為池互之以

鄧林緜之以方城置茅藹設望表與鮮牟守燎故不與

盟解置立也藹謂束茅而立之所以縮酒望表謂望祭

山川立木以為表表其位也鮮牟束夷國燎庭燎也疏

解置立至縮酒○立茅縮酒此依僖四年傳楚貢苞茅

不入無以縮酒立義然說文云束茅表位曰藹史記叔

孫通傳為絛藹集解引如酒曰置設絛索為習肄處藹

謂以茅剪樹地為築位厚之次也春秋傳曰置茅藹

索隱又云韋昭云引繩為絛立表為藹又引賈逵云束

茅以表位曰藹漢書顏師古注藹與藹同則藹與束茅

縮酒自是兩事宏嗣于史記則注為立表于此傳則注

寫縮酒不應同文異解襄十一年盟亳傳或問茲命司

慎司盟名山川羣祀先王先公七姓十二國之
祖明神廟之則盟時或當有祭而以茅菹酒且下文設
望表別為一事故解菹為酒與然亦未敢遽引春官
解望表至其位○立木為表者昭元傳孔疏引春官
大祝掌六祈以同鬼神四曰禁賈遠以為營攢幣日
月山川之神祭非有常處故臨時營其地立攢表用
幣告之以祈福也攢聚也聚艸木為祭處耳案儀禮
覲禮言時會殷同加方明于壇上方明者六宗也其主
方四尺木為之六宗兼日月星辰而解此解望表言山
川而不及日月星辰兼日月星辰而解此解望表言山
牟未詳或謂鮮卑字形近似而譌案楚詞大夫招
云小要秀頸若鮮卑只王逸注鮮卑引魏書鮮卑東
前漢匈奴傳張晏曰鮮卑郭洛帶又引魏書鮮卑東
胡之餘也別保鮮卑山因號焉蓋鮮卑因山得名而衰
帶頭又因所出之國得名則鮮卑周世已有然以鮮卑
為鮮卑無文可證或說非也周禮司烜氏鄭注樹於門
中外曰大燭於門內曰庭燎賈疏謂依慕容所為以葦為
也中心以布纏之飴蜜灌之若今蠟燭守之者備其風燥
今將與狎主諸侯之盟唯有德也解狎更也子務德

無爭先務德所以服楚也乃先楚人解讓使楚先

號之會解諸侯之大夫尋宋之盟在魯昭元年疏號之

昭元年傳杜注號鄭地隱元年傳杜注號國滎陽縣案

此為東號號仲所封後并於鄭故城在今河南開封府

汜水縣東十魯人食言解食偽也言魯使叔孫如會宋

之盟欲以修好弭兵尋盟未退而魯伐莒取邾是為虛

偽其言疏背惠食言襄二七年傳食言者不病哀二

十五年傳是食言多矣杜注言而不行如食之消盡後

終不行前言為偽也○解魯伐莒取邾○文十二年城

諸及鄆杜注城陽姑幕縣南有員亭員即鄆水經淮水

注引孟康曰東莞縣故邾邑今邾亭是也左傳莒魯爭

邾今城北鄆亭是京相璠曰邾國志東莞有邾亭今在

國故魯鄆邑世變其字非也邾國志東莞有邾亭今在

邾城東北四里猶謂之故東莞城齡案漢書地理志

邾郡姑幕縣或曰薄姑應劭注引左傳薄姑氏因之

當為齊地而非魯地安得謂鄆在姑幕則孟康及劉昭
郡國志之說為是而京相璠杜預之說為非凡此皆論
東鄆也在今山東沂州府沂水縣北至成
四年城鄆為西鄆在今濟甯直隸州境內楚令尹圍將

以魯叔孫穆子為戮解令尹圍楚恭王之子樂王鮒求

貨焉弗與解鮒晉大夫樂桓子也疏樂王鮒求貨○漢

帛可衣及金刀龜貝所以趙文子謂叔孫曰夫楚令尹

有欲於楚解欲欲得楚國也少懦於諸侯解懦弱也以

諸侯為弱諸侯之故求治之不求致也解故事也必欲

治之非但求致而已其為人也剛而尚寵解尚好也好

自尊寵若及必弗避也解以事及於舉者必加治戮無

所避也子盍逃之不幸必及於子對曰豹也受命於君

以從諸侯之盟爲社稷也

解爲欲衛社稷也若魯有罪

而受盟者逃魯必不免

解不免於討是吾出而危之也

若爲諸侯戮者魯誅盡矣必不加師請爲戮也夫戮出

於身實難

解難難居也自宅及之何害

解何害於義苟

可以安君利國美惡一也

解美生惡死文子將請之於

楚樂王鮒曰諸侯有盟未退而魯背之安用齊盟

解齊

一也縱不能討又免其受盟者晉何以爲盟主矣

解言

無以復齊一諸侯必殺叔孫豹文子曰有人不難以死

安利其國可無愛乎若皆卹國如是則大不喪威而小

不見陵矣若是道也果

解果必行也可以教訓何敗國

之有吾聞之曰善人在患弗救不祥惡人在位弗去亦不祥必免叔孫固請於楚而免之

趙文子為室解室宮也解斲其椽而解斲之解椽椽也解斲磨

也疏解椽椽也文選魯靈光殿賦張載注椽亦椽也

而布列也或謂之椽在櫨旁下列衰然也莊二十四年穀梁釋文方曰椽圓曰椽是與椽有方圓之異

皆從棟而張老夕焉而見之解見見匠人為之不謁而

歸解謁告也文子聞之駕而往曰吾不善子亦告我何

其速也解速去速也對曰天子之室斲其椽而斲之加

密石焉解密密理石謂砥也先粗斲之加以密砥疏解

理至密砥也淮南墜形訓元天六百歲生元砥高注元砥黑石

石也淮南墜形訓元天六百歲生元砥高注元砥黑石

也諸侯礪之解無密石也大夫斲之解不礪也士首之

解斲其首也備其物義也解物備得宜謂之義從其等

禮也解從尊卑之等謂之禮今子貴而忘義富而忘禮

吾懼不免何敢於告文子歸令之勿礪也匠人請皆斲

之解通更斲之文子曰止為後世之見之也解為使也

其斲者仁者之為也其礪者不仁者之為也

趙文子與叔向游於九京解京當為原九原晉墓地疏

解京當至墓地○禮檀弓鄭注晉卿大夫墓地在九原

之蓋字之誤爾雅絕高為京廣平曰原檀弓疏京非葬

於九原直是墳墓之所齡案韓詩外傳趙武與叔向觀

其下故曰京陵則譌原為京自漢始於曰死者若可作

也解作起也吾誰與歸叔向曰其陽子乎解陽子處父
文子曰夫陽子行廉直於晉不免其身解廉直剛而無
謀爲狐射姑所殺其知不足稱也解稱述也叔向曰其
舅犯乎文子曰舅犯見利不顧其君其仁不足稱也解
見利見全身之利謂與晉文避難至將反國無輔佐安
國之心授璧請亾故其仁不足稱也鄭後司農以爲詐
請亾要君以利也其隨武子乎解武子范會納諫不忘
其師解言聞之於師也言身不失其友解身有善行稱
友之道事君不援而進解進進賢也不阿而退解阿隨
也退退不肖也言不隨君必欲進賢退不肖也

秦后子來奔解后子景公之弟鍼來奔在魯昭元年趙

文子見之問曰秦君道乎解問有道否對曰不識解難

即言之故曰不識文子曰公子辱於敝邑必避不道也

對曰有焉解有不道事文子曰猶可以久乎對曰鍼聞

之國無道而年穀饑熟解言國無道而年穀和熟天不

譴覺必恃而驕也鮮不五稔解鮮少也稔年也少不至

五年而疏解稔年○說文稔穀熟也襄二十七年傳

也文子視曰曰朝夕不相及誰能俟五解言朝恐不至

夕文子出后子謂其徒解徒從者也曰趙孟將死矣夫

君子寬惠以恤後猶恐不濟今趙孟相晉國以主諸侯

之盟思長世之德歷遠年之數猶懼不終其身今怵日而湫歲解怵偷也湫遲也怠偷其甚矣解怠懈也偷苟也非死逮之必有大咎解逮及也大咎非常之禍冬趙文子卒

平公有疾秦景公使醫蘇視之解蘇名也出曰疾不可為也解為治也是為遠男而近女解遠師傅近女色也

惑以生蠱解惑於女以生蠱疾疏元解惑於至蠱疾○昭

志惑亂之疾若今昏狂失性其疾名之為蠱公惑於女色失其常性如彼蠱惑之疾也志之所失不獨為女宣八年傳胥克有蠱疾直是病而失性不由近女為之又云以毒藥藥人令人不自知者令律謂之蠱毒案致蠱非盡由女色而女色亦致蠱之一端平公之病由此故下文專以穀明蠱惡言之靈樞大惑論岐伯曰志有所

喜神有所惡卒然相感則精氣亂視誤故惑神移乃非復是故附者為迷甚者為惑此論積惑生蕺之義

鬼非食惑以喪志解疾非鬼神亦非飲食生以淫惑以

喪其志良臣不生天命不佑解佑助也良臣謂趙孟不

生將死也若君不死必失諸侯趙文子聞之曰武從二

三子解二三子晉諸卿以佐君為諸侯盟主於今八年

矣內無苛慝諸侯不二解苛煩也慝惡也疏爾雅釋言

苛妒也郭注煩苛者多嫉妒疏引方言斷苛怒也小怒曰斷陳謂之苛又內則鄭注苛疥也說文苛小草也

細小之物或假借以為煩辟之名子胡曰良臣不生天命不佑對曰自

今之謂解從今以往和聞之曰直不輔曲明不規聞解

言文子不能以明直規輔平公之闇曲使至淫惑也搖

木不生危

解

檣木大木危高險也

疏

檣木大木○西山經槐陰之山其

陰多檣木之有若注檣木大木也其上復生若木

松柏不生埤

解

埤下溼也以

喻文子不久存也

疏

解埤下溼○爾雅釋木椶楛說文

又耐埤則埤為卑溼義荀子非相篇楊注埤汗皆下也漢書劉向曰增埤為高顏注埤下也

能諫惑使至於生疾又不自退而寵其政

解

寵榮也八

年之謂多矣

解

已為多矣何以能久文子曰醫及國家

乎對曰上醫醫國

解

止其淫惑是謂醫國其次疾人固

醫官也

解

官猶職也文子曰子稱蠱何實生之對曰蠱

之慝穀之飛實生也

解

慝惡也言蠱之為惡害於嘉穀

穀為之飛若是類生蠱疾者

疏

蠱之至實生○史記秦本紀德公二年以狗禦

蠱正義引顧野王云穀皆積變為飛蠱也爾雅釋器康
 謂之蠱左傳杜注穀積久則變飛蠱名曰蠱論衡商蟲
 篇穀蟲曰蠱蠱若蛾矣粟米體熟生蠱蝻強蚌郭注
 今米穀中蠱小黑蟲是也建平人呼為蚌子是蠱出於
 穀蠱生而穀敗矣物莫伏於蠱莫嘉於穀解伏藏也嘉善也穀

興蠱伏而章明者也解穀氣起則蠱伏藏穀不朽蠱而

人食之章明之道也故食穀者晝選男德以象穀明解

選擇也擇有德者而親近之以象人食穀而有聰明疏

食穀至穀明○大戴禮易本命篇食穀者智惠而巧故言穀明然非得吉士以輔之則明蝕矣宵靜女

德以伏蠱解靜安也伏去也言夜當安女之有德者

以禮自節以去已蠱害之疾言蠱害穀猶女害男也疏

宵靜至蠱慝○女以德重故九嬪婦學首言德漢書杜
 欽傳后妃有貞淑之行則允嗣有聖賢之君制度有威

儀之節則人君有壽考之福廢而不由則女德不厭女德不厭則壽命不究于高年書云或四三年言失欲之害生也又李諱傳日將入專以壹君就房有常節凡此皆以去蠱惑也今君一之解一一

晝夜也是不饗穀而食蠱也解蠱喻女也是不昭穀明

而皿蠱也解皿器也言為蠱作器而受之夫文蟲皿為

蠱吾是以云解文字也疏蠱此言蟲皿為蠱者蠱乃蟲

之屬非皿之屬也文子曰君其幾何對曰若諸侯服不過

三年不服不過十年解諸侯服則專一於女色過是晉

之殃也解過十年荒淫之禍及國也疏過是晉之殃昭元年内傳孔

疏引國語孔晁注人雖有命荒淫者必損壽無外患則并心於内故三年死諸侯不服則思外患損其内情故

十年無道之君久在民上實國是歲趙文子卒諸侯叛之殃也案晁義與韋義同也

晉解叛晉從楚十年平公薨解十年後十年也事在魯

昭十年

秦后子來仕解避景公仕于晉其車千乘解從車千乘

楚公子干來仕其車五乘解子干恭王之庶子公子比

也魯昭元年楚公子圍殺郝敖子干奔晉叔向為大傅

實賦祿韓宣子問二公子之祿焉解宣子韓起也代趙

文子為政對曰大國之卿一旅之田解公之孤四命五

百人為旅為田五百頃疏公之至百頃○王制上農夫

夫中士倍下士上士倍中士下大夫倍上士卿食四夫

夫祿由九人起數等而上之則卿食二百八十八人而

大國之孤無文傳言卿而韋解言孤者以下文上大夫

知之也五百人為旅大司馬文陳人食者人四舖上也

謂每月一人所食上熟當得二斛五斗六升通一歲計
之每人當得三十斛七十二升則五百人之食當得一
萬五千三百六十斛今云為田五百頃案頃一畝得
記河渠書上地畝一鍾鍾六斛四斗一頃百鍾則六百
四十斛為田五百頃當得三十二萬斛人所食者止須
一萬五千三百六十斛而賦祿者予之二十倍有贏詔
稱之典不應如此之濫五百
頃之說舊無此解不敢遽定

夫一命百人為卒為田百頃疏上大至百頃○昭三年

大夫言諸侯之大夫一命春官典命文鄭志答臨碩曰
下士食九人中士食十八人上士三十六人下大夫七
十二人中大夫一百四十八人卿二百八十八人若以
上大夫為卿則當云二百八十八人百人為卒叔向所
言與王制異制每人歲食三十斛七斗六升則歲需三
千七十六斛百頃所收得粟六萬四千斛賦祿者予以
此數其義也夫二公子者上大夫也皆一卒可也宣子曰
亦未聞也

秦公子富若之何其鈞之也解鈞同也對曰夫爵以建

事解事職事也祿以食爵解隨爵尊卑德以賦之功庸

以稱之解稱副也若何其以富賦祿也夫絳之富商章

潛木槌以過於朝解章藩章蔽前後也木槌木檐也疏

解章藩至木檐○爾雅釋器輿革前謂之輶後謂之第

郭注以韋鞞車軾以韋鞞後戶漢書景帝紀令長吏二

千石車朱兩轆顏注據許慎李登說轆車之蔽也左傳

以藩載欒盈卽是有郭蔽之車也史記虞卿躡蹻擔簦

言以木爲唯其功庸少也解言無功庸雖富不得服其

尊服過於朝無爵位故也而能金玉其車文錯其服解

文文織錯錯鏤也言富商之財足以金玉其車文錯其
服以其無爵位故不得爲耳則上爲章藩木槌是也能
行諸侯之賄解言其財賄足以交於諸侯而無尋尺之

祿無大續於民故也解續功也八尺曰尋且秦楚匹也

若之何其回於富也解回曲也乃均其祿

鄭簡公使公孫成子來聘解簡公僖公之子嘉也成子

子產之諡鄭穆公之孫子國之子平公有疾韓宣子贊

授客館解贊導也客問君疾對曰寡君之疾久矣上下

神祇無不徧諭也解諭謂祭祀告謝也而無除今夢黃

能入於寢門解夢公夢也能似熊不知人殺乎抑厲鬼

邪解人殺主殺人厲鬼惡鬼也子產曰以君之明子為

大政其何厲之有解大政美大之政僑聞之解僑子產

名疏而高喬蓋子產名本是喬後人加人旁後漢書陳

龍傳美鄭
喬之仁政
昔者鯀違帝命
殛之於羽山
解帝堯也
殛放

殛而殺之
化為黃能
以入於羽淵
解羽山之淵
鯀既死

而神化也
疏昔者至羽淵
○呂氏春秋論行
篇堯以天

能殛於城舉其尾
能以爲旌召之
不來殛皇於野
以患

帝舜於城舉其尾
能以爲旌召之
不來殛皇於野
以患

左傳釋文熊音雄
獸名亦作能如字
一音奴來反三足

屬也案說文及字
林皆云能熊屬足
似鹿然則能既熊

白及鼈爲鼈類今
本作能者勝也東
海人祭出廟不用
熊

獸也說文熊獸似
豕居爲二物乎左
傳疏引賈逵曰熊

衡東賦能鼈三趾
梁王云鯀所化不
可以常而能也若

是也鼈何以能入
羽淵但先儒既以
爲獸今亦以爲熊
獸

疾使問子產言闕
屏牆必是獸也張
叔皮論賓爵而下
革

國一四

卷三

沈璧以祈福兮鬼吉凶而命窮黃母化而為醴兮鯨

變而成熊二熊所韻不同或疑張叔為能著作即王劭

云古人讀雄與熊者皆于陵反張叔用舊音傳元刑新

音張叔亦作熊也詩無羊與正月及襄十年衛卜禦寇

之繇皆以雄韻也陵劭言是也案釋文兼獸則能字

仲達引詩及襄十年傳證王劭之言定為熊獸則能字

宜依左傳作熊羽山亦云淵者漢書地理志為熊其縣有羽

山昭七年傳杜注亦云淵者漢書地理志為熊其縣有羽

胸山縣有羽山今海州臨沂縣東南一百里隋志

有羽山接嶺山今海州臨沂縣東南一百里隋志

之羽山也博物記云蓋一山跨四州縣之境北黃蒙入

於羽淵也博物記云蓋一山跨四州縣之境北黃蒙入

案徐州地列東藩非荒服流之宅尚書孔傳羽山當鯨處

蓬萊海中今登州府蓬萊縣有鯨城在縣南六十里與

孔傳謂在東齋者合與鯨城在縣南六十里與

禹貢徐州之羽山迥別實為夏郊解禹有天下而郊祀

之三代舉之解舉謂不廢其祀疏實為至舉之祭法

禹貢徐州之羽山迥別實為夏郊解禹有天下而郊祀

之三代舉之解舉謂不廢其祀疏實為至舉之祭法

之三代舉之解舉謂不廢其祀疏實為至舉之祭法

解言郊祭天而以解配是夏家郊祭之也祭法又云夫
聖王之制祀也能禦大菑則祀之能捍大患則祀之解
郭洪水而殛死禹能修解之功非此族也不在祀典是
言解有大功而殷周二代雖不配郊而通在羣神之數
并見也夫鬼神之所及解吉凶所及非其族類則紹其同
祀也

位解紹繼也殷周祀之是也是故天子祀上帝解上帝

天也公侯祀百辟解以施勤事功施于民者自卿以下

不過其族解族親族也今周室少卑解卑微也晉實繼

之解謂為盟主統諸侯也其或者未舉夏郊邪宣子以

告祀夏郊解為周祀也董伯為尸解董伯晉大夫神不

飲非類則董伯其姻姓乎尸主也疏解董伯至姻姓○

之二子董之晉於是乎有董史故知董伯為晉大夫鄭
語已姓昆吾蘇顧溫董韋解董姓已姓之別受氏為國

者案禮緯禹母修已吞薏苡而生禹故姓姁薏苡古通
作意目呂從反已已者四月陽氣已出陰氣已藏萬物
見成文章故氏有夏則日有終已之義五日公見子產
是已姓即姁姓韋故以董伯為姁姓也

解祭後五日平公有瘳故見之賜之莒鼎解莒鼎鼎出

於莒也傳曰賜子產莒之二方鼎方鼎鼎方上也

叔向見韓宣子宣子憂貧叔向賀之宣子曰吾有卿之

名而無其實解實財也無以從二三子解從隨也隨其

賻贈之屬吾是以憂子賀我何故對曰昔欒武子無一

卒之田解上大夫一卒之田欒書為晉上卿而又不及

其官不備其宗器解宗宗官器祭器宣其德行順其憲

則使越於諸侯解越發聞也諸侯親之戎狄懷之解懷

歸也以正晉國行刑不疚〔解〕疚病也以免於難〔解〕免殺
君之難及桓子驕泰奢侈貪欲無藝〔解〕藝極也桓子樂
書之子厭也畧則行志〔解〕畧犯也則法也假貸居賄〔解〕
居畜也宜及於難而賴武之德以沒其身及懷子改桓
之行而修武之德〔解〕懷子桓子之子盈也可以免於難
而離桓之罪以亾於楚〔解〕亾奔也夫卻昭子〔解〕昭子卻
至也其富半公室其家半三軍恃其富寵以泰於國〔解〕
奢泰於國其身尸於朝其宗滅於絳不然夫八卻五大
夫三卿〔解〕三卿卻錡卻至卻犇又有五人爲大夫其寵
大矣一朝而滅莫之哀也唯無德也今吾子有樂武子

之貧吾以為能其德矣〔解〕能行其德是以賀若不憂德
 之不建而患貧之不足將弔不暇何賀之有宣子拜稽
 首焉曰起也將亾賴子存之非起也敢專承之〔解〕專獨
 也承受也其自桓叔以下嘉吾子之賜〔解〕桓叔韓氏之
 祖曲沃桓叔也桓叔生子萬受韓以為大夫是為韓萬
〔疏〕解桓叔至韓萬○史記韓世家韓之先與周同姓
 姬氏其後南裔事晉得封于韓原曰韓武子武子三
 世後有韓厥據此則韓為邢晉應韓之韓晉獻滅之而
 子孫仕晉是韓侯之後別有桓叔非關曲沃之桓叔矣
 案桓三年傳曲沃伐翼韓萬御戎杜注韓萬莊伯弟則
 萬為曲沃桓叔之少子韓世家索隱引世本曰萬生賊
 伯賈伯生定伯簡簡生與與生獻子厥起即厥子
 韋解多依史記此獨違之者遵左傳及世本也

國語正義卷第十四終

國語正義卷第十五

歸安董增齡撰集

晉語九

士景伯如楚解景伯晉理官士彌牟如楚聘也叔魚為

贊理解叔魚羊舌鮒也贊佐也景伯如楚故叔魚攝其

官也傳曰叔魚攝理疏解景伯至攝理○禮月令鄭注

傳唐叔封於夏墟啓以夏政故官制同夏昭十四年傳

孔疏引孔晁國語注景伯晉理官叔魚佐之景伯聘楚

叔魚解邢侯與離子爭田解二子皆晉大夫也邢侯楚申

公巫臣之子也巫臣奔晉晉與之邢離子故楚大夫奔

晉晉與之郟爭郟田之疆界也疏解郟田之疆界○路

史國名紀曲沃南二

里有故鄆城昭十四年傳孔疏 離子納其女於叔魚以

求直解不直故納其女傳曰罪在離子及蔽獄之日叔

魚抑邢侯解蔽決也抑枉也疏凡蔽決○周禮大司寇

蔽之鄭眾云蔽之斷其獄訟也尚書康誥服 念五六日至于旬時不蔽要囚是蔽有決義邢侯殺叔

魚與離子於朝韓宣子患之叔向曰三姦同罪請殺其

生者而戮其死者解陳尸為戮宣子曰若何對曰解也

鬻獄解鬻賣也疏鬻獄○周書鬻保曰十敗六

子賈之以其子邢侯非其官也而干之解官司寇也干

犯也夫以回鬻國之中解回邪也中平也疏解回邪中

文邪也曲也詩小雅其德不回禮禮器禮釋回叔魚棄
景伯在楚以佐貳竊正秩之權受賄枉法是回邪也江

永謂中訓簿書小司寇斷庶民獄訟之中謂簿書猶今
之案卷故掌文書者也謂之史从又从中又者右手以
手持簿與絕親以買直與非司寇而擅殺其罪一也邢
書也

侯問之逃遂施邢侯氏解施施劾捕也疏遂施邢侯氏
○昭十四年

傳孔疏引孔晁國語注廢其族也則晁讀為弛訓為廢
家語此事亦為弛王肅注弛宜為施施行也韋不從家
語為弛者周禮卿士辨其獄訟異其死刑之罪而要之
鄭注要之謂其罪法之要如今劾矣惠棟謂施陳也謂
殺而陳其罪哀二十七年傳國人施公孫有施氏是羅
泌曰施者殺而肆之也山海經殺而施之晉人殺冀芮
而施之又入從欒氏者大戮施案邢侯問言而逃故須
劾捕捕得則殺而陳之昏墨賊殺賊指邢侯內傳有明
文而尸叔魚與隄子於市解死時在朝故尸於市在魯

昭十四年疏而尸至於市○內傳孔疏晉殺三卻皆
尸于朝而此尸于市者以其賤故也

中行穆子率師伐翟圍鼓解穆子晉卿中行偃之子荀

吳中行伯也翟鮮虞也鼓白翟別邑在魯昭十五年疏

解翟鮮至別邑○鮮虞杜注白狄別種在中山新市縣

今直隸正定府新樂縣西南有新市故城俗名新城舖

其地有鮮虞亭史記索隱曰中山古鮮虞國姬姓也後

漢郡國志鉅鹿下曲陽有鼓聚故翟鼓子國水經濁漳

水注濁漳水又東逕昔陽城南本鼓聚矣京相璠曰白

狄之別也下曲陽有鼓聚故鼓子國也案下曲陽故城

在今直隸正定府晉州西今晉鼓人或請以城畔穆子

州治即鼓國以鼓城山得名鼓人或請以城畔穆子

不受疏伯鼓人至不受○淮南人問訓說此事云中行穆

請無罷武大夫而鼓可得也穆伯弗應左右曰不折一

戟而不傷一卒而鼓可得君奚為弗使穆伯曰問倫為

人而不仁若使問倫下之吾可以勿賞乎若賞之是賞

何所用之是請畔即鼓軍吏曰可無勞師而得城子何

不為穆子曰非事君之禮也夫以城來者必將求利於

我解利爵賞也夫守而二心姦之大者賞善罰姦國之

憲法也許而弗予失吾信也若其予之賞大姦也姦而

盈祿善將若何解盈滿也且夫翟之憾者以城來盈願

解憾恨也晉豈其無解豈無恨也是吾以鼓教吾邊鄙

貳也解貳二心也夫事君者量力而進解進進取也不

能則退不以安買貳解買市也安謂不勞師而得鼓令

軍吏呼城儆將攻之未傅而鼓降解傅著也

中行伯既克鼓以鼓子宛支來解宛支鼓子鳶鞮也穆

子既克鼓以鳶鞮歸既獻而反之其後又畔魯昭二十

二年荀吳襲鼓滅之以鳶鞮歸使涉宅守之也令鼓人

各復其所非寮勿從寮官也鼓子之臣曰處沙釐以

其帑釐釐將妻子從鼓子也軍吏執之辭曰我君是

事非事土也名曰君臣豈曰土臣今君實遷遷徙也

臣何賴於鼓賴利也穆子召之曰鼓有君矣君謂

涉宅也而止事君吾定而爵祿定安也而汝也對曰

臣委質於翟之鼓未委質於晉之鼓也質贊也土贊

以雉委贊而退疏解質贊至而退僖二十三年傳杜

孔疏質形體也謂拜而屈膝委身體於地也陸氏釋文

亦云質如字然孔疏引服虔注古者始仕必先書其名

於策委死之質於臣然後為臣示必死節也尚書二生

一死贊故以雉為死質服注頗勝于杜管子合諸侯之

子將委質者皆以雙虎之皮据此臣聞之委質為臣無

有二心委質而策死古之法也解言委質于君書名於

策示必死也君有烈名臣無畔質解烈明也敢即私利

以煩司寇而亂舊法其若不虞何解即就也虞度也若

就私利是為畔君畔君有辜故煩司寇舊法策死之法

也若臣皆如是是將有不意度而至之患者晉其如之

何穆子歎而謂其左右曰吾何德之務而有是臣也解

吾當修務何德而得若此之臣乎乃使行既獻解獻獻

功也言於頃公解言釐之賢于頃公頃公昭公之子去

疾也與鼓子田於河陰解河陰晉河南之田使君而田

之疏南解河陰至田之爾雅釋地水使夙沙釐相之

范獻子聘於魯解獻子范宣子之子士鞅也聘在魯昭

二十一年問具山敖山魯人以其鄉對解言其鄉之山

也疏問具山敖山○水經淮水注谷水南出鮮金山北

敖山北注詩溥狩於敖山上名城括地志滎陽故城在

鄭州滎澤縣西南十七里周時名北制在敖山之陽宋

武北征記曰秦時築倉于山上郡縣志敖山在鄭獻子

州滎澤縣西十五里春秋時晉師在敖鄙之間

曰不為具敖乎對曰先君獻武之諱也解獻伯禽之曾

孫微公之子獻公具也武獻公之庶子武公敖也疏解

伯至公敖○史記魯世家伯禽卒子考公魯立卒立弟

熙是謂揚公卒子幽公宰立弟潰殺幽公自為魏公魏

公卒子厲公擢立卒立其弟具是為獻公卒子真公澹

立卒弟敖立是為武公徐廣曰魏公世本作敬公桓六

年傳孔疏禮稱舍故諱新規盡不復更諱計獻子聘魯

在昭公之世獻武之諱久已舍矣而尚以鄉對者當諱

之時改其山號諱雖又舍山不復名故依本改名以其鄉對然獻子言之不為失禮而云名其二諱以自尤者禮入國而問禁入門而問諱獻子入魯不問故以之為慙耳 獻子歸徧戒其所知曰

人不可以不學吾適魯而名其二諱為笑焉唯不學也

解言學則必知諱不見笑也禮入境而問禁入門而問

諱人之有學也猶木之有枝葉也木有枝葉猶庇蔭人

而況君子之學乎

董叔將取於范氏**解**董叔晉大夫也范氏范宣子之女

叔向曰范氏富盍已乎**解**言富必驕驕必陵人已止也

曰欲為繫援焉**解**欲自繫綴以為援助也曰董祁愬於

范獻子**解**祁董叔之妻獻子之妹也范姓祁名也**疏****解**

祁

董至祁名○襄二十一年傳樂桓子娶于范宣子桓子
 卒樂祁與其老州賓通是樂祁與董祁同宣子女決無
 姊妹同名祁之理昭二十四年傳范宣子明言晉主夏
 盟為范氏則范其氏也非姓也杜預云樂祁范宣子女
 范氏堯後祁姓則董祁亦祁姓而冠以夫之氏又文六
 年傳杜祁詐偪姑而上之注杜祁杜伯之後祁姓蓋出
 于唐杜氏實與董祁同姓婦人例以姓稱猶王姬宋子
 也今云范姓是以其氏為姓又云祁名是以其姓為名
 矣曰不吾敬也獻子執而紡於庭之槐解紡縣也叔向
 過之曰子盍為我請乎叔向曰求繫既繫矣求援既援
 矣欲而得之又何請焉

趙簡子曰魯孟獻子有關臣五人我無一何也解簡子
 晉卿趙文子之孫景子之子趙鞅志父也孟獻子魯大
 夫仲孫蔑也關臣扞難之士叔向曰子不欲也若欲之

解也待交粹可也解此言欲勇則勇士至疏待交粹可也○漢書

賈誼傳顏注粹持頭髮也

梗陽人有獄將不勝解梗陽魏氏之邑獄訟也疏解梗陽魏

氏之邑○漢書地理志太原榆次有梗陽鄉水經汾水注引京相璠曰梗陽晉邑也今太原晉陽縣南四十里

榆次界有梗陽城趙世家正義引括地志梗陽故城在并州清源縣南百二十步分晉陽縣置本漢榆次縣地

請納賂於魏獻子獻子將許之解獻子晉正卿魏戊之

父魏舒也傳曰梗陽人有獄魏戊不能斷以獄上其大

宗賂以女樂獻子將受之或云大宗卽舒也昭謂大宗

訟者之大宗爲訟者納賂閻沒謂叔寬曰與子諫乎解

閻沒閻明叔寬女叔齊之子叔襄也皆晉大夫傳曰魏

戊使二子諫吾主以不賄聞於諸侯解主獻子也不賄
不貪財也今以梗陽之賄殃之不可解殃猶病也二人
朝而不退獻子將食問誰在庭曰閻明叔襲在召之使
佐食解佐猶勸也比已食三歎既飽獻子問焉曰人有
言曰唯食可以忘憂吾子一食之間而三歎何也同辭
對曰吾小人也貪饋之始至懼其不足故歎中食而自
咎也曰豈主之食而有不足是以再歎主之既食願以
小人之腹爲君子之心屬厭而已是以三歎解屬適也
厭飽也已止也適小飽足則自節止獻子曰善乃辭梗
陽人解善二子善論而不逆獻子能覺改也

下邑之役董安于多解下邑晉邑董安于趙簡子家臣

多功也周禮曰戰功曰多魯定十三年簡子殺邯鄲大

夫趙午之子穰以邯鄲畔午荀寅之甥也荀寅士吉

射之姻也二人作亂攻趙氏之宮簡子奔晉陽晉人圍

之時安于力戰有功也疏解多功至曰多○戰功曰多

若韓信陳平司馬法曰上多前虜墨子魯問篇攻其鄰

國殺其民人取其牛馬粟米貨財銘于鐘鼎傳遺後世

子孫曰莫若我多漢書周勃傳攻開趙簡子賞之辭解

辭不受也固賞之對曰方臣之少也進秉筆贊為名命

稱於前世義於諸侯解言見稱譽於前世諸侯以為義

也而主弗志解志識也及臣之壯也耆其股肱以從司

馬解者致也司馬掌兵也疏者其股肱○者致周頌毛

傳引詩者定爾功者昧也其意言致紂于昧故以者為

致王肅云致定其大功是者有致義王制羸股肱是者

其股肱之義苛慝不產及臣之長也端委鞶帶以隨宰人民

無二心解端元端委委貌也鞶章蔽郛帶大帶宰人宰

官也今臣一旦為狂疾而曰必賞女解言戰鬪為凶事

猶人有狂易之疾相殺傷也疏補音猶人至之疾○宋氏

樂平侯訴病狂易免顏注病狂而改易本性也又狂發

而無慮易於去就字或作傷說文傷輕也宋氏雖兩義

並列而顏是以狂疾賞也不如亡趨而出乃釋之

趙簡子使尹鐸為晉陽解尹鐸簡子家臣晉陽趙氏邑

為治也疏晉陽○晉陽一地六名荀吳敗狄于大鹵一

以處參虛三也臺駘能業其官以處太原四也遷實沈於大夏五也并晉陽為六其地在河東鄭注引地理志太原今以郡名續漢志太原郡請曰以為繭絲乎抑為屬并州即禹貢既修太原之地

保鄣乎 **解** 繭絲賦稅保鄣蔽扞也小城曰保禮記曰遇

入保者 **疏** 解繭絲至保者○周禮典絲掌絲入而辨其

漆絲之類等也且餘官更無絲入之文亦當入此典絲

也則繭絲古亦用以克貢賦稅也成二年傳齊侯見保

者哀十一年傳公叔務人簡子曰保障哉尹鐸損其戶

見保者故知保為小城也 **解** 子曰保障哉尹鐸損其戶

數 **解** 損其戶則民優而稅少簡子誠襄子 **解** 襄子簡子

之子無卹也 **疏** 解 襄子至無卹○趙世家孤布子卿見

有可為將軍者簡子召子毋卹毋卹至則子卿起曰此

真將軍矣簡子曰此其母賤翟婢也奚道貴哉子卿曰

天所授雖賤必貴簡子乃告示諸子曰吾藏寶符於常

朱山上先得者賞諸子馳至常山上求無所得毋卹還

曰已得符矣簡子曰奏之毋郵曰從常山上臨代代可取也簡子於是知毋郵果賢乃廢太子伯魯而以毋郵為太子焉曰晉國有難而無以尹鐸為少無以晉陽為遠必

以為歸解所謂保郭

趙簡子使尹鐸為晉陽曰必墮其壘培解墮壞也壘荀

寅士吉射圍趙氏所作壁壘也吾將往焉若見壘培是

見寅與吉射也解壘整曰培疏是見至吉射○趙世家

伯吳吳生寅又云范句尹鐸往而增之解增高其壘因

以自備也簡子如晉陽見壘怒解既不墮又增之故怒

也曰必殺鐸也而後入大夫辭之解辭請也不可解可

肯也曰是昭余讎也解昭明也明我怨讎以辱我也郵

無正進

解

無正晉大夫郵良伯樂

疏

解無正至伯樂○
淮南覽冥訓高注

王良晉大夫郵無恤子良也所謂御良也一名孫無政

為趙簡子御死而托精于天駟星天文有王良星是也

漢書王駿傳注張晏曰王良郵無恤字伯樂顏師古曰

參驗左傳國語孟子郵無恤郵良劉無止王良總是一

人也楚辭云驥躡躅于蔽輦遇孫陽而得代王逸曰孫

陽伯樂姓名也列子云伯樂秦穆公時人考其年代不

相當張說云良字伯樂斯失之矣齡案呂氏春秋精通

篇注伯樂善相馬素穆公之臣則在趙簡子前百餘年

安得謂良即伯樂乃據此傳則郵曰昔先主文子少聲

無正亦字伯樂晏說未可厚非也

於難**解**文子簡子之祖趙武也魯猶讎也難謂莊姬之

讒趙氏見討從姬氏於公宮**解**姬氏莊姬趙朔之妻文

子之母晉景公之姊也姬淫於趙嬰嬰兄趙同趙括放

之姬讒同括景公殺之文子從莊姬於公宮有孝德以

出在公族解為公族大夫也有恭德以升在位解在卿

位也有武德以羞為正卿解正卿上卿羞進也疏解羞

羞進也者爾雅釋詁文說文羞進獻也洪範有溫德以使羞其行孔疏引王肅云使進其行是也

成其名譽失趙氏之典刑解典常也刑法也而去其師

保解在公宮故無師保也基於其身以克復其所解基

始也始更修之於身以能復其先也及景子長於公宮

解景子文子之子簡子之父趙成也從其王母在公宮

未及教訓而嗣立矣亦能纂修其身以受先業無謗於

國順德以學子解學教也擇言以教子擇師保以相子

今吾子嗣位有文之典刑有景之教訓重之以師保加

之以父兄解同宗之父兄子皆疏之以及此難解荀士

之難夫尹鐸曰思樂而喜思難而懼人之道也委土可

以為師保吾何為不增解言見培壘可以戒懼足當師

保何為不增疏委土至不增○呂氏春秋似順篇說此

淫侈見憂則諍治此人之道也今君見壘念憂患是以

修之庶曰可以鑑而鳩趙宗乎解鑑鏡也鳩安也若罰

之是罰善也罰善必賞惡臣何望矣簡子說曰微子吾

幾不為人矣解微無也以免難之賞賞尹鐸解免難之

賞軍賞也言見戒而懼懼則有備是為免難也疏免難之

軍賞○襄二十七年傳疏引服虔左傳注向戌自以止

兵民不戰鬪自矜其功故求免死之賞免死即免難也

免主於難則以此賞之此春秋時所定之賞格故云軍賞也初伯樂與尹鐸有怨解

伯樂無正字以其賞如伯樂氏解如之也曰子免吾死

敢不歸祿解祿所得賞也辭曰吾為主圖非為子也怨

若怨焉解若如也怨自如故也

鐵之戰趙簡子曰鄭人擊我吾伏弢崪血鼓音不衰解

鐵衛地弢弓衣也晉中行寅士吉射以朝歌畔齊鄭與

之哀公二年齊人輸范氏粟鄭罕達駟宏送之范吉射

逆之簡子禦之遇於戚遂戰於鐵鄭人擊簡子中肩斃

于車中伏弢上猶能擊鼓面汚血曰崪疏鐵之戰○水

水東逕鐵正南京相璠曰鐵正名也杜預曰在戚南河之北岸有古城戚邑也案今直隸大名府開州北有戚

城其南為王合
里即鐵正也
今日之事莫我若也衛莊公為右解莊

公衛靈公太子蒯聵也圖殺少君不成奔晉簡子許納

之時為簡子車右曰吾九上九下擊人盡殪解殪死也

九上九下車以救簡子今日之事莫我加也郵無正御

解無正王良也御御簡子也曰吾兩鞅將絕吾能止之

解鞅制也能止馬徐行故不絕疏解鞅制至不絕○鞅

疏古之駕四馬者服馬夾轅其頸負輓兩驂在旁挽引

助之說文鞅引軸也僖二十八年傳杜注在胸曰鞅然

則此皮約馬胸而引車軸也兩鞅將絕而能制焉言其

御之和也駕而乘材謂橫地細小之木也槩小木而鞅
絕示其將今日之事我上之次也解言次蒯聵駕而乘
絕之驗也
材兩鞅皆絕解乘轢也材橫木也衛莊公禱解禱謂將

戰時請福也曰曾孫蒯瞶以諂趙鞅之故解諂佐也敢

昭告于皇祖文王解昭明也皇大也文王康叔之父烈

祖康叔解烈顯也文祖襄公解言文有文德也襄公蒯

瞶之祖父靈公之考昭考靈公解昭明也靈公蒯瞶之

父夷請無筋無骨解夷傷也戰鬪不能無傷無筋無絕

筋無骨無折骨也無面傷解傷于面也無敗用解用兵

用也無隕懼解隕隕越也死不敢請解言不敢請歸之

神也簡子曰志父寄也解志父簡子之後名也春秋書

趙鞅入于晉陽以叛後得反國故改爲志父寄寄禱也

趙簡子曰於螻解螻晉君之固疏解螻晉君之固○淮
南原道訓終身運枯

形于連螻列均之門高注連螻猶離螻也
委曲之類而之形或取委曲則螻當作螻史黯聞之以

犬待於門解史黯晉大夫史墨也時為簡子史犬田犬

也門君圍門也簡子曰何為曰有所得犬欲試之茲圍

解茲此也簡子曰何為不告對曰君行臣不從不順解

言君從法臣從君也主將適螻而麓不聞解麓主君苑

圍之官也傳曰山林之木衡麓守之臣敢煩當日解當

日直日也言主將之君圍不煩麓以告君臣亦不煩主

之直日以自白也疏解當日直日○禮文王世子問內

戰國策高誘注直當日直使也則知簡子乃還
當日為分日司事而適當是日也

少室周為趙簡子右解少室周趙簡子臣之姓名也右

戎右也聞牛談有力解牛談簡子臣請與之戲解戲角

力也疏解戲角力○僖二十八年傳請與君之士戲漢書哀帝紀時覽卜射武戲蘇林曰手博曰卜角

力為武弗勝致右焉解致右於談疏解致右於談○韓戲也

周為襄王驂乘至晉陽有力上牛子耕與角力而不勝周言于主曰主之所以使臣騎乘者以臣多力今有多

力于臣者願進之簡子許之使少室周為宰解宰家宰是子耕即談也

也曰知賢而讓可以訓矣

趙簡子歎曰吾願得范中行之良臣解范吉射中行寅

史黯侍曰將焉用之簡子曰良臣人之所願也又何問

焉對曰臣以為不良故也夫事君者諫過而賞善解諫

過匡救其過惡賞善將順其美薦可而替不解薦進也

替去也傳曰君所謂可而有不焉臣獻其不以成其可君所謂不而有可焉臣獻其可以去其不獻能而進賢

擇才而薦之朝夕誦善敗而納之道之以文行之以順

勤之以力致之以死解死其難也聽則進否則退今范

中行之臣不能匡相其君使至於難解難謂為亂見遂

伐君而敗見討伐也事在魯定公十三年疏今范至

氏春秋常染篇范吉射染于張柳朔王生中行寅染于

黃籍秦高疆所染不當國皆殘亡高注張柳朔王生二

食絕其後類君臣離散民人流亡高注張柳朔王生二

人者吉射家臣寅中行穆子之子黃籍秦高疆其家臣

韓非子說林篇中行文子出亡過于縣邑從者曰此嗇
夫公之故人公奚不休舍且待後車文子曰我嘗好音
此人遺我鳴琴吾好佩此人道我王環是振我過者也
以求容於我者我恐以我求容于人也乃去之果收文

子後車二乘而君出在外解以朝歌畔魯哀三年又奔獻之其君矣

齊又不能定而棄之則何良之為若弗棄則主焉得之夫二子之良將勤營其君使復立於外死而後止何日以來解立於外有爵祿于他國也若來乃非良臣也簡子曰善吾言實過矣

趙簡子問於壯馳茲解壯馳茲晉大夫蓋吳人也曰東

方之士孰為瘡解瘡賢也疏東方至為瘡○成十六年

齊魯之屬則此壯馳茲拜曰敢賀簡子曰未應吾問何亦言齊魯也

賀對曰臣聞之國家之將興也君子自以為不足其亡也若有餘今主任晉國之政而問及小人又求賢人吾

是以賀

趙簡子歎曰雀入於海為蛤雉入於淮為蜃解小曰蛤

大曰蜃皆介物蚌類也

疏雀入至為蜃○大戴禮夏小

通卦驗曰立冬日賓雀入水為蛤大戴禮易本命篇盧

辨注以同生于陰而屬于陽故有其形性也淮南道應

訓高注蛤梨海蚌也爾正釋鳥雉之名十有二而化蜃

者名驚雉郭注似山雞而小冠背毛黃腹下赤項綠色

鮮明說文驚赤雉也昭十七年傳丹鳥氏司閉者也疏

引樊光爾正注丹雉也少皞氏以鳥命名丹鳥氏司閉

以立秋來以立冬去入水為蜃是驚雉為候鳥來去知

時故古以命名大戴禮夏小正篇雉入于淮為蜃蜃者

滿盧也孔廣森補注蜃大蛤也國語移就蒲贏于東海

之濱蒲盧猶滿贏也或曰蒲盧是變化之名故果贏亦

為蒲贏龍鬣魚鼈莫不能化解化謂蛇成龍龜石首成鼈

之類也

疏

解化謂至之類

○論衡無形篇云禮曰水潦

降不獻魚鼈何則雨水暴下蟲蛇化為魚鼈

離本真暫變之蟲臣子謹慎故不敢獻故知蛇能成龍
 龜也馬志宋開寶本艸石首魚出水能鳴夜視有光頭
 中有石如碁子一種野鴨頭中亦有石云是此魚所化
 李時珍曰石首魚扁身弱骨細鱗黃色如金首有白石
 二枚瑩潔如玉至秋化為冠冕即唯人不能哀夫寶
 野鴨有冠者也故云石首成龜也

侍解寶犖晉大夫疏將西見趙簡子至河而問寶鳴犖

舜華之死孔子曰寶鳴犖舜華晉國之賢大夫也集解

引徐廣曰或作鳴鐸寶犖索隱寶犖字鳴犖王應麟曰

通鑑外紀周敬王二十八年書簡子曰臣聞之君子哀

殺鳴犖三十年書寶犖對簡子誤也曰臣聞之君子哀

無人解人賢人也不哀無賄哀無德不哀無寵哀名之

不令不哀年之不登解登高也夫中行范氏不恤庶難

而欲擅晉國今其子孫將耕於齊宗廟之犧為畎畝之

勤解純色為犧論二子皆名族之後當為祭主於宗廟

今反放逐賦畝之中是亦人之化也

疏

解純色為犧○詩魯頌享以騂

犧毛傳犧純也曲禮天子以犧牛鄭注犧純人之化也

何日之有

趙襄子使新穉穆子伐翟**解**襄子晉正卿簡子之子無

郵也新穉穆子晉大夫新穉狗也伐翟在春秋後**疏**趙

至伐翟○呂氏春秋愛士篇趙簡子有兩白驪而其愛

之陽城胥渠處廣門之官夜欵門而謁曰主君之臣胥

渠有疾醫教之曰得白驪之肝病則止不得則死謁者

入通簡子曰殺畜以活人不亦可乎召庖人殺白驪取

肝以與陽城胥渠處無幾何趙興兵而攻翟廣門之官

左七百八人右七百八人皆先登而獲甲首此卽伐翟之事也

勝左人中人

解

左人中人翟二邑也

疏

左人至二邑○呂氏春

秋慎大篇趙襄子攻翟勝老人中人高注今盧奴西山

中有老人中人城淮南道應訓趙襄子攻翟而勝之取

尤人終人高注尤人終人騷二邑列子說此山國唐縣

中人則老與左人鄉注引博物記曰唐關在中山西人

有中人亭有左人鄉注引博物記曰唐關在中山西人

百注又東逕左人鄉注引博物記曰唐關在中山西人

水注又東逕左人鄉注引博物記曰唐關在中山西人

山在城西側而鏡上若委粟焉疑即地道記所云望都

縣有委粟關也俗謂之山在邑中故亦謂之中山城以其

城中有唐水因復謂之廣唐城中山記曰為中山城又

以爲鼓聚殊爲乖謬矣言城中山故曰中山城也中山

郡治京相璠曰今中山望都東二十里行故中山城望

都縣東有一城名堯姑城本無中人之傳璠或以爲中

人所未詳也中山記所言中東觀夫異說咸爲爽矣昭

餘里二十里則減但苦其不東觀夫異說咸爲爽矣昭

十三年傳杜注中山望都縣西北有中城遠人來告

案唐縣本自望都分置今屬直隸保定府城遠人來告

解遠傳也疏之解遠傳○說文遠傳也禮玉藻士曰傳遠

年傳使遽告于鄭昭二年襄子將食尋飯有恐色侍者

傳乘遽而至皆言驛也

年傳使遽告于鄭昭二年襄子將食尋飯有恐色侍者

傳乘遽而至皆言驛也

曰狗之事大矣解大謂勝二邑而主色不怡何也解怡說也襄子曰吾聞之德不純解純壹也而福祿並至謂之幸夫幸非福解德不能服必致寇故非福也非德不當解當猶任也雖和也言唯有德者任以福祿爲和樂也雖不爲幸解能和樂則不爲幸也吾是以懼

知宣子將以瑤爲後解知宣子晉卿荀躒之子申也瑤宣子之子襄子智伯也知果曰不如宵也解知果晉大夫知氏之族也宵宣子之庶子也宣子曰宵也很解很戾不從人對曰宵之很在面瑤之很在心心很敗國面很不害瑤之賢於人者五其不逮者一解不仁也美

鬢長大則賢解鬢髮類也射御足力則賢伎藝畢給則

賢解給足也巧文辨惠則賢解巧文巧于文辭彊毅果

敢則賢如是而甚不仁以其五賢陵人而以不仁行之

其誰能待之解待猶假也若果立瑤也知宗必滅弗聽

知果別族於太史為輔氏解太史掌氏姓疏知果至輔

子十過篇知伯令人請地於韓康子致萬家之縣一知伯又令人至趙

又請地於魏魏宣子致萬家之縣一知伯又令人至趙

請蔡泉狼之地襄子弗與知伯陰約韓魏以伐趙張孟

談見韓魏之君二君因與張孟談約三君之反與之期

日二君因朝知伯而出遇知過於轅門之外知過怪其

色因入見知伯曰二君貌將有變其行矜而意高非他

時之節也君不如先之君曰吾與二子約謹矣破趙而

三分其地何乃將有他心必不然明且二主又朝而出

復見知過於轅門過入見曰君以臣之言告二主乎君

曰何以知之對曰今日二主朝而出見臣而其色動而

視屬臣此必有變君不如殺之若不能殺送親之魏宣
子之謀臣曰趙葭韓宣子之謀臣曰段規此皆能移其
君之計君與其二臣約破趙國因封二子者各萬家之
縣一如是則二主之心可以無變矣知伯曰破趙而三
分其地又封二子者各萬家之縣一則吾所得者少不
可知也過見其言之不聽也出因更其族為輔氏戰國策
亦言知過更姓在智伯立瑤之時案過即果也立宵不
聽所億誠中然尚非剝膚之災必待韓魏生心瑤也垂
斃此真避禍之秋傳繫別族于立瑤之後終及知氏之
言果一生之事非謂別族即在立瑤之年也

亡唯輔果在解善其知人

知襄子為室美

解襄子知伯瑤也美麗好也

疏

知伯瑤

○趙世家索隱引世本逝逝生莊首生武子營營生
莊子朔朔生悼子盈盈生文子櫟櫟生宣子申申生智
伯瑤呂氏春秋當染篇知士苗夕焉解士苗知伯家臣
瑤染於知國張武是也

夕夕往也知伯曰室美夫對曰美則美矣抑臣有懼也

知伯曰何懼對曰臣以秉筆事君志有之曰高山峻原
不生艸木解志記也峻峭也原陸也言其高險不安故
不生艸木松柏之地其土不肥解言上茂盛冬夏有蔭
故土不肥今土木勝臣懼其不安人也解言不兩興室
成三年而知氏亡解三年知伯與韓魏伐趙襄子圍晉
陽而灌之城不浸者三版知伯行水魏桓子御韓康子
驂乘知伯曰吾乃知水可以亡人國也汾水可以灌安
邑安邑魏也絳水可以灌平陽平陽韓也桓子肘康子
康子履桓子跗趙襄子夜使張孟私於韓魏韓魏與之
合遂滅知伯而分其地在春秋後疏解三年至其地○
韋解所引並韓非

子難篇文汾水可以灌安邑者漢地理志河東郡安邑縣巫咸縣在南鹽池在西南魏絳自魏徙此水經凍水注安邑禹都也禹娶塗山氏女思戀本國築臺以望之今城南門臺基猶存魏絳自魏徙此魏世家正義安邑在絳州夏縣本魏都汾水東北歷安邑西南入河絳水可以灌平陽者水經汾水注汾水南逕平陽縣故城竹書紀年晉烈公元年韓武子都平陽魏世家正義引括地志絳水一名白水今名弗泉源出絳山飛泉奮涌揚波注縣積壑二十許丈望之極爲奇觀矣按引此以灌平陽城矣

還自衛三卿宴於藍臺解還自衛知襄子伐鄭自衛還

也三卿知襄子韓康子魏桓子藍臺地名疏解魏桓子

魏絳卒諡爲昭子生魏羸羸生獻子獻子生魏侈魏侈之孫曰魏桓子索隱引系本獻子生簡子取取生襄子

多襄子生桓子知襄子戲韓康子而侮段規解康子韓駒是與史記異

宣子之曾孫莊子之子虎也段規魏桓子之相也疏解

子至之相○韓世家宣子卒子貞子代立貞子卒子簡子代簡子卒子莊子代莊子卒子康子代索隱康子名虎韓非子十過篇知過曰韓康子之謀臣曰段規今云魏桓子之相與韓非異義矣知伯國聞之

諫解伯國晉大夫知氏之族曰主不備難必至矣曰難

將由我我不為難誰敢興之對曰異於是解言所聞與

此異夫卻氏有車轅之難解卻犇與長魚矯爭田執而

梏之與其父母妻子同一轅既矯嬖於厲公而滅三卻

在魯成十七年趙有孟姬之讒解趙趙同趙括也孟姬

趙文子母莊姬也通於趙嬰兄同括放之孟姬慙怨讒

之於景公景公殺之事在魯成八年樂有叔祁之愬解

樂樂盈也叔祁范宣子之女盈之母也與其老州賓通

盈患之祁愬之於宣子遂滅欒氏范中行有函冶之難

解函治范皋夷之邑也皋夷無寵於范吉射而欲為亂

於范氏中行寅與范氏和睦故皋夷謀逐二子卒滅之

在魯定十三年皆主之所知也夏書有之曰一人三失

解三失三失人也怨豈在明**解**明著也不見是圖**解**不

見未形也**疏**一人至是圖○書傳三失過非一也不見

其民也唯失人故為怨若泛言過則或止一身而**周書**

與人無與矣圖爾雅與謀同訓故書傳以謀釋之**有之曰怨不在大**解**或大而不為怨亦不在小**解**禍難**

或起小怨**疏**怨不至在小○書傳不在大大起于小不

故當懼若云或大而不為怨則**唯君子能勤小物故無**

開不足懼之端矣章義非也

大忠解物事也今主一宴而恥人之君相解君康子相

段規又弗備曰不敢與難無乃不可乎夫誰不可喜而

誰不可懼蝸蟻蠹皆能害人疏勸學篇醯酸而蝸聚

焉呂氏春秋功名篇蝸蟻聚之有酸爾正釋蝸蟻

打蠹釋文蠹本作蝸俗作蟻字蝸蟻云蛆蠹狀如墨蠹

化而羽能螫人爾雅所謂丁蠹也蝸蟻二二年傳蝸蟻

有毒爾雅釋蟲土蠹郭注今江東大蠹在土中作房者

陳藏器本草注土蠹穴居作房赤黑色最大者螫人至

死通俗文曰蠹長尾謂之蠹蝸蟻毒傷人曰蛆故昭五年

傳鄭人諺子產曰蝸蟻尾是也蝸蟻況君相乎弗聽自是五年乃有晉陽

之難解自藍臺之後五年也段規反首難而殺知伯于

師解為策作難反知伯者疏段規至于師趙世家知

乃奔保晉陽原過從後至於王澤見三人自帶以上可

見自帶以下不可見與原過竹二節莫通曰為我以是

遺趙毋郵原過既至以告襄子襄子齊三曰親自剖竹
有朱書曰趙毋郵余霍泰山山陽侯天使也三月丙戌
余將使女反滅知氏女亦立我百邑襄子再拜受三神
之令三國攻晉陽歲餘引汾水灌其城襄子懼夜使相
張孟同私於韓魏韓魏與台謀以三月丙戌三國反滅
知氏又刺客列傳趙襄子最怨知伯漆其頭以為飲器
索隱引晉灼曰飲器虎子也晉氏以為漆其頭者以遂滅
韓子呂氏春秋並云襄子漆知伯頭為溲杯故也

知氏
晉陽之圍解知襄子圍趙襄子於晉陽也魯悼四年知

瑤伐鄭恥襄子襄子怨之知瑤驕泰請地于趙趙弗與

瑤帥韓魏攻趙襄子襄子保晉陽三家圍之在春秋後

疏晉陽之圍○內傳悼之四年晉荀瑤帥師伐鄭將門

以爲子對曰以能忍恥庶無害趙宗乎知伯不悛襄子
由是甚知伯杜注甚毒也韓非子十過篇知伯瑤令人

請地於韓康子欲弗與段規諫曰不可不與也知伯
之爲人也好利而驚彼來請地而弗與則移兵於韓
必矣君其與之必加之彼狂人將請地他國他國且有不
聽不聽則康子曰必加之兵如是則韓可以免於難而待
其事之變康子曰於魏宣子使者致萬家之縣于伯知
伯說又合人請地於魏宣子欲勿與趙諫曰彼
外怒知伯也如勿子其措兵於魏魏勿與趙諫曰彼
萬家之縣于伯知伯陰約韓魏將以伐趙襄子召張孟談
而告之曰夫知伯之爲人也必矣今吾安居而可張孟
寡人不與焉其措兵于寡人也必矣今吾安居而可張孟
談曰夫董闕于簡子之才矣治晉陽而尹鐸循之
其餘教猶存君其定居晉陽而已矣君曰諾乃召延陵
生令將軍車驕先至晉陽君因從之居五日郭已治
守備已具君召張孟談而問之曰吾奈無箭何張孟談
曰臣聞董子之治晉陽也公宮之垣皆以荻蒿楚牆
之有楛高至於丈君發而用之於發而試之其堅則
雖箇幹之勤弗能過也君曰奈無金何張孟談曰臣聞
伯子之治晉陽也公宮之垣皆以荻蒿楚牆

是發之用之有餘金矣號令已定三國兵果至至則蔡
晉陽之城遂戰三月弗能拔因舒軍而處縣釜而炊財食
水以灌之圍晉陽三年城中稟居而處危弗能安則無
將盡士大夫羸病張孟談曰亡弗能存危弗能安則無
為貴智矣臣請試潛出而見韓魏之君張孟談見韓魏
之君曰臣聞唇亡齒寒今智伯率二君而伐趙趙亡二
君為之次二君曰我知其禍必至也雖然知伯之為人
中而少親我謀而覺其禍必至也雖然知伯之為人
口而入臣之耳人莫知之二君因與張孟談約三君之
反與之期日夜遣孟談入晉陽以報三軍之反於襄子
襄子迎張孟談而再拜之且恐且喜至於期日之夜趙
氏殺其守隄之吏而決其水灌知伯之軍知伯軍救水
而亂韓魏翼而擊之襄子將卒犯其前大敗張談曰先
知氏之軍而禽知伯案事在晉懿公四年

主為重器也為國家之難解張談趙襄子之宰孟談也

重器圭璧鐘鼎之屬盍姑無愛寶於諸侯乎解欲令行

賂以求助也襄子曰吾無使也張談曰地也可解地趙

襄子之臣襄子曰吾不幸有疾不夷於先子解夷平也

疾病也言已行有闕病不及先子也不德而賄解言無

德而以賄求助也夫地也求飲吾欲解言地求飲食我

以情欲無忠諫也是養吾疾而干吾祿也解養長也干

求也吾不與皆斃解皆俱也斃踏也襄子出曰吾何走

乎從者曰長子近且城厚完解長子晉別縣也疏子晉長

別縣○漢地理志上黨郡長子縣周史辛甲所封師古

曰長讀曰長短之長今俗為長幼之長非也案今屬山

西路安府襄子曰罷民力以完之又斃以守之其誰與我解

斃踏也誰與我誰與我同力也從者曰邯鄲之倉庫實

解邯鄲晉別縣也

疏

邯鄲縣張宴曰邯鄲山在城東下

單盡也城郭从邑故加邑云定十年傳杜注邯鄲廣平縣案今直隸廣平府邯鄲縣西南有邯鄲故城即俗名趙王城襄子曰浚民之膏澤以實之解浚煎也讀若澹是也

又因而殺其誰與我其晉陽乎先主之所屬也解先主

簡子也謂無以尹鐸為少晉陽為遠必以為歸尹鐸之

所寬也民必蘇矣乃走晉陽晉師圍而灌之解晉師三

卿之師也灌引汾水以灌之疏解灌引至灌之○水經

晉水從縣南東流注之又水經晉水注昔知伯遇晉水

以灌晉陽其川上流後人踵其遺迹蓄以為沼案鄭氏

言引晉水灌城而章解言汾水者晉水沈窳產鼃民無

入汾則汾即晉之下流故得通言之也沈窳產鼃民無

畔意解沈窳縣釜而炊也產鼃鼃生於窳也鼃蝦蟆也

疏似解產鼃至蝦蟆爾雅釋魚在水者鼃郭注耿鼃也似

蠅蟆而長
腳其色青

國語正義卷第十五終